

Z A B I L J E Š K A

sa Druge sjednice Komisije za razvoj i unapređenje lokalne samouprave, 17.04.2013. godine

Zbog činjenice da je Savezu općina i gradova FBiH upućena samo jedan zahtjev za davanje mišljenja, članovi Komisije su se, kako je to i predviđeno Poslovníkom o radu komisije, pismenim putem izjasnili o Nacrtu zakona o dopuni Zakona o zdravstvenoj zaštiti koji je uradilo Federalno ministarstvo zdravstva.

Općina Olovo uputila je Ustavnom sudu FBiH zahtjev za zaštitu prava na lokalnu samoupravu zbog činjenice da joj je Zakonom o zdravstvenoj zaštiti u FBiH iz 2010.godine osporeno pravo osnivača banjskog lječilišta "Aquaterm" i kao osnivač se uvodi Zeničko-dobojski kanton. Pri tome, općinske vlasti ni na koji način nisu bile konsultirane, iako su bile veoma zainteresirane i mogle su doprinijeti da se iznađu prihvatljiva rješenja.

Ustavni sud Federacije Bosne i Hercegovine donio je 16.10.2012. godine presudu broj: U-12/12 kojom je utvrđeno da član 53. stav 5. Zakona o zdravstvenoj zaštiti ("Službene novine Federacije BiH", broj 46/10) povređuje pravo na lokalnu samoupravu Općine Olovo. U predviđenom roku od šest mjeseci, obrađivač Zakona dužan je pristupiti dopuni istog, a radi usklađivanja osporenog člana sa navedenom presudom.

Postupajući po presudi Ustavnog suda FBiH, Federalno ministarstvo zdravstva sačinilo je Nacrt zakona o dopuni Zakona o zdravstvenoj zaštiti za koji se predlaže da se u Parlamentu FBiH donese u skraćenom postupku.

Članovi Komisije podržavaju ovaj nacrt i **predlažu Predsjedništvu da da pozitivno mišljenje na Nacrt zakona o dopuni Zakona o zdravstvenoj zaštiti.**

PREDSJEDNIK KOMISIJE

Miroslav Lucić, s.r.